



Broj: 13-03/1-04-13651-13/23
Sarajevo, 09.06.2023. godine

SKUPŠTINA KANTONA SARAJEVO

Služba za skupštinske poslove

- O v d j e -

KANTON SARAJEVO

Stručna služba Vlade

- O v d j e -

Zastupnik Damir Marjanović je na 7. Radnoj sjednici Skupštine Kantona Sarajevo, održanoj dana, 19.04.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputio slijedeću zastupničku inicijativu:

“Podnosim inicijativu da Skupština Kantona Sarajevo, u saradnji sa resornim Ministarstvom, imenuje komisiju koja će utvrditi zdravstveno i higijensko stanje štíćenika, kao i kapacitiranost stručnih kadrova za evidentirani broj štíćenika u Zavodu za zbrinjavanje mentalno invalidne djece i omladine Pazarić.”

ODGOVOR:

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljena je gore navedena inicijativa zastupnika Damira Marjanovića, a koja je sa pažnjom razmotrena u okviru ovoga ministarstva i na koje dajemo slijedeće izjašnjenje:

Zakonom o ustanovama socijalne zaštite Federacije Bosne i Hercegovine (“Službene novine Federacije Bosne i Hercegovine broj: 64/22) uređena je djelatnost i korisnici usluga ustanova socijalne zaštite Federacije Bosne i Hercegovine, osnovni i posebni standardi u pogledu obavljanja njihove propisane djelatnosti i zaštite prava smještenih korisnika, tijela upravljanja, nadzora i rukovođenja, finansiranje, nadzor nad radom, te druga pitanja od značaja za rad i funkcionisanje ustanova socijalne zaštite Federacije. U članu 4. predmetnog zakona je propisano nadalje da je ustanova socijalne zaštite Federacije, između ostalih, i Ustanova za socijalno zbrinjavanje, zdravstvenu njegu, odgoj i obrazovanje – Pazarić (u daljem tekstu: Ustanova Pazarić). Isti zakon je u dijelu VII. Nadzor nad radom federalnih ustanova socijalne zaštite definisao na koji način i koje institucije provode nadzor nad radom federalnih ustanova socijalne zaštite. Tako je, između ostalog, propisano da unutrašnji nadzor organizuju i provode federalne ustanove socijalne zaštite nad radom svojih organizacionih jedinica i zaposlenih radnika, stručni nadzor vrši posebna komisija koju

formira federalni ministar rada i socijalne politike, dok inspekcijski nadzor nad zakonitošću rada federalnih ustanova socijalne zaštite vrši Federalna uprava za inspekcijske poslove putem nadležnih federalnih inspektora, odnosno kantonalni organ za inspekcijske poslove putem nadležnih kantonalnih inspektora u dijelu koji se odnosi na odgoj i obrazovanje.

Imajući u vidu sve navedeno, nismo u mogućnosti udovoljiti dostavljenoj inicijativi.

Međutim, imajući u vidu da je putem Javne ustanove "Kantonalni centar za socijalni rad" (u daljem tekstu: Kantonalni centar) u Ustanovu Pazarić smješten značajan broj korisnika sa područja Kantona Sarajevo, te imajući u vidu da je Centar za socijalni rad, koji je smjestio lice u ustanovu, shodno članu 42. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09, 45/16, 40/18 i 16/23), dužan radi brige, zaštite, liječenja fizičkog ili mentalnog zdravlja tog lica pratiti njegov tretman u ustanovi, od Kantonalnog centra ćemo tražiti informaciju o provedenim aktivnostima u smislu navedene obaveze ove ustanove.

Po dobijanju traženih informacija od Kantonalnog centra o navedenom ćemo informisati imenovanog zastupnika.

S poštovanjem,

Pripremila: Smaragda Lučkin, šef Odj

Sekretar Ministarstva, Amira Gackić

Dostavljeno:

1. Naslovu,
2. a/a.



Enda Pavić Pečenković